

23 апреля 2020 года

ПАСХА

Светлый Четверг

**Последование утрени
для домашнего (келейного) совершения**

Моли́твами святы́х оте́ц на́ших, Го́споди Иису́се Христе́, Бо́же наш, помѝлуй нас. **Ами́нь.**

Тропарь, глас 5:

Христос воскресе из мертвых, / смертию смерть поправ / и сущим во гробех живот даровав. Трижды.

Стих 1: Да воскреснет Бог, и расточатся врази Его, / и да бежат от Лица Его ненавидящие Его.

Христос воскресе из мертвых, / смертию смерть поправ / и сущим во гробех живот даровав.

Стих 2: Яко исчезает дым, да исчезнут, / яко тает воск от лица огня. Христос воскресе: единожды.

Христос воскресе из мертвых, / смертию смерть поправ / и сущим во гробех живот даровав.

Стих 3: Тако да погibнут грешницы от Лица Божия, / а праведницы да возвеселятся. Христос воскресе: единожды.

Христос воскресе из мертвых, / смертию смерть поправ / и сущим во гробех живот даровав.

Стих 4: Сей день, егoже сотвори Господь, / возрадуемся и возвеселимся в оный. Христос воскресе: единожды.

Христос воскресе из мертвых, / смертию смерть поправ / и сущим во гробех живот даровав.

Слава Отцу и Сыну и Святому Духу.

Христос воскресе из мертвых, / смертию смерть поправ / и сущим во гробех живот даровав.

И ныне и присно и во веки веков. Ами́нь.

Христос воскресе из мертвых, / смертию смерть поправ / и сущим во гробех живот даровав.

И паки:

Христос воскрес из мертвых, / смертью смерть поправ / и сущим во гробех живот даровав.

Господи, помилуй, 12.

Слава, и ныне:

КАНОН ПАСХИ

Песнь 1

Ирмос: Воскресения день, просветимся, людие; Пасха, Господня Пасха: от смерти бо к жизни и от земли к Небеси Христос Бог нас преведе, победную поющая.

Припев: Христос воскрес из мертвых.

Очистим чувства, и узрим неприступным светом Воскресения Христа блистающая, и радуйтесь рекуща ясно да услышим, победную поюще.

Христос воскрес из мертвых.

Небеса́ убо достойно да веселятся, земля же да радуется, да празднует же мир, видимый же весь и невидимый: Христос бо воста, веселие вечное.

Ин канон, Богородичен. Глас тойже.

Творение господина Феофана и господина Иосифа

Слава Отцу и Сыну и Святому Духу.

Умерщвления предел сломила еси, вечную жизнь рождающая Христа, из гроба возсиявшего днесь, Дево всенепорочная, и мир просветившего.

И ныне и присно и во веки веков. Аминь.

Воскресшего видевши Сына Твоего и Бога, радуйся со апостолы, Богоблагодатная Чистая; и еже радуйся, первее, яко всех радости вина, восприяла еси, Богомати всенепорочная.

Катавасия: Воскресения день, просветимся, людие; Пасха, Господня Пасха: от смерти бо к жизни и от земли к Небеси Христос Бог нас преведе, победную поющая.

Песнь 3

Ирмós: Приидите, пиво пиём нóвое, не от кáмене непло́дна чудодéемое, но нетлénия истóчник, из грóба одождíвша Христá, в Нёмже утвержда́емся.

Христós воскресе из мёртвых.

Ны́не вся испóлнишася свéта, Не́бо же и земл́я, и преиспóдняя: да прáзднует úбо вся тварь востáние Христóво, в Нёмже утвержда́ется.

Христós воскресе из мёртвых.

Вчера́ спогребóхся Тебé, Христé, совостаю́ днесь воскрéшу Тебé, сраспина́хся Тебé вчера́, Сам мя спрослáви, Спáсе, во Цáрствии Твоём.

Слáва Отцú и Сы́ну и Свято́му Дúху.

На нетлénную жизнь прихождú днесь блáгостию Рóждшагося из Тебé, Чíстая, и всем концём свет облиста́вшего.

И ны́не и прíсно и во ве́ки веко́в. **Ами́нь.**

Бо́га, Егóже родила́ еси́ плóтию, из мёртвых, я́коже рече́, воста́вша ви́девши, Чíстая, ликуй, и Сего́ я́ко Бо́га, Пречíстая, возвелича́й.

Катава́сия: Приидите, пиво пиём нóвое, не от кáмене непло́дна чудодéемое, но нетлénия истóчник, из грóба одождíвша Христá, в Нёмже утвержда́емся.

Та́же:

Христós воскресе из мёртвых, / смёртию смерть попра́в / и сущим во гробéх живо́т дарова́в. **Трижды.**

Го́споди, поми́луй. **Трижды.**

Слáва, и ны́не:

Ипако́й, глас 4

Предварíвшийя утро́ я́же о Мари́и, и обрётши́я кáмень отвале́н от грóба, слы́шаху от А́нгела: во свéте присносу́щем Су́щаго с мёртвыми что и́щете, я́ко челове́ка? Ви́дите грóбныя пелены́, тецы́те и ми́ру проповéдите, я́ко воста́ Госпо́дь, умертви́вый смерть; я́ко есть Сын Бо́га, спаса́ющего род челове́ческий.

Песнь 4

Ирмós: На Божéственной стра́жи богоглаго́ливый Авваку́м да ста́нет с на́ми и пока́жет светонóсна А́нгела, я́сно глаго́люща: днесь спасéние ми́ру, я́ко воскресе Христós, я́ко всеси́лен.

Христос воскрес из мёртвых.

Мужеский убо пол, яко развёрзый девственную утробу, явися Христос; яко человек же, Агнец наречёся; непорочен же, яко невкусен скверны, наша Пасха, и яко Бог истинен, совершён речёся.

Христос воскрес из мёртвых.

Яко единоклетный агнец, благословенный нам венец Христос, волю за всех заклан бысть, Пасха очистительная, и паки из гроба красное правды нам возсия Солнце.

Христос воскрес из мёртвых.

Богоотец убо Давид пред сённым ковчегом скакаше играя, людие же Божии святии, образов сбытие зряще, веселимся божественно, яко воскрес Христос, яко всеилен.

Слава Отцу и Сыну и Святому Духу.

Создавший Адама Твоего праотца, Чистая, зиждется от Тебё, и смертное жилище разорит Своею смертию днесь, и озарит вся Божественными блистаниями Воскресения.

И ныне и присно и во веки веков. **Аминь.**

Егоже родила еси Христа, прекрасно из мёртвых возсиявша, Чистая, зрящи, добрая и непорочная в женах и красная, днесь во спасение всех, со апостолы радуешься, Того прославляй.

Катавасия: На Божественной стражи богоглаголивый Аввакум да станет с нами и покажет светоносна Ангела, ясно глаголюща: днесь спасение миру, яко воскрес Христос, яко всеилен.

Песнь 5

Ирмос: Утренюем утреннюю глубокую, и вместо мира песнь принесём Владыце, и Христа узрим, правды Солнце, всем жизнь возсияющая.

Христос воскрес из мёртвых.

Безмерное Твое благоутробие адовыми узами содержиши зряще, к свету идящу, Христё, весёлыми ногами, Пасху хваляще вечную.

Христос воскрес из мёртвых.

Приступим, священоснии, исходящу Христу из гроба яко Жениху, и спразднуим любопытными чинми Пасху Божию спасительную.

Слава Отцу и Сыну и Святому Духу.

Просвещается Божественными лучами и живонóсными Воскресения Сына Твоего, Богомати Пречíстая, и радости исполняется благочестíвых собрание.

И ны́не и прíсно и во ве́ки веко́в. **А**ми́нь.

Не развёрзл еси́ врата́ дéвства в воплощénии, грóба не разрушил еси́ печатей, Царю́ создáния: отонúдуже воскрéшаго Тя зря́щи, Мати радовашеся.

Катавасия: У́тренюем у́треннюю глубоку́, и вмéсто мíра песнь принесém Влады́це, и Христа́ ўзрим, правды Сóлнце, всем жизнь возсия́юща.

Песнь 6

Ирмóс: Снизшéл еси́ в преиспóдня земли́, и сокрушил еси́ верей вéчныя, содержа́щая связанныя, Христé, и триднёвен, я́ко от кíта Ио́на, воскрéсл еси́ от грóба.

Христóс воскрéсе из мёртвых.

Сохрани́в це́ла зна́мения, Христé, воскрéсл еси́ от грóба, ключи́ Дéвы не вредíвый в рождествé Твоём, и отвёрзл еси́ нам райския́ двéри.

Христóс воскрéсе из мёртвых.

Спа́се мой, живо́е же и нежéртвенное заколéние, я́ко Бог Сам Себé волею́ привéд Отцú, совоскрéсил еси́ всерóднаго Ада́ма, воскрéс от грóба.

Сла́ва Отцú и Сы́ну и Свято́му Ду́ху.

Возведéся дрéвле держíмое смéртию и тлénием, Воплотíвшимся от Твоего́ пречíстаго чрэва, к нетлénней и присносу́щней жи́зни, Богорóдице Дéво.

И ны́не и прíсно и во ве́ки веко́в. **А**ми́нь.

Сни́де в преиспóдня земли́, в ложесна́ Твоя́, Чíстая, Сшéдый и всели́вшийся и воплотíвшийся па́че ума́, и воздвíже с Собóю Ада́ма, воскрéс от грóба.

Катавасия: Снизшéл еси́ в преиспóдня земли́, и сокрушил еси́ верей вéчныя, содержа́щая связанныя, Христé, и триднёвен, я́ко от кíта Ио́на, воскрéсл еси́ от грóба.

Та́же:

Христóс воскрéсе из мёртвых, / смéртию смерть попра́в / и су́щим во гробéх живо́т дарова́в. **Трижды.**

Господи, помилуй. **Трижды.**

Слава, и ныне:

Кондак, глас 8:

Аще и во гроб снизшел еси, Безсмертне, но адову разрушил еси силу и воскресл еси, яко Победитель, Христэ Бóже, женам миронóсицам вещáвый: радуйтесь, и Твоим апóстолом мир дáруяй, пáдшим подай воскресение.

Икос

Еже прёжде со́лнца Со́лнце, заше́дшее иногда́ во гроб, предвари́ша ко́утру и́щущия́ яко́ дне миронóсицы дéвы, и другá ко́ друзéй вопия́ху: о́ другíни, приидите, воня́ми пома́жем Тéло живонóсное и погребéнное, плоть Воскресíвшаго пáдшаго Ада́ма, лежа́щую во грóбе. Идем, потщíмся, я́коже волсвí, и поклонíмся, и принесéм мíра яко́ дáры, не в пеленáх, но в плащани́це обвíтому, и пла́чим, и возопи́м: о́ Влады́ко, востáни, пáдшим подай воскресение.

Та́же:

Воскресение Христóво вíдевши, поклонíмся Свято́му Господу́ Иису́су, еди́ному Безгрéшному. Кресту́ Твоему́ поклоня́емся, Христэ́, и свято́е Воскресение́ Твоё́ поём и сла́вим: Ты́ бо еси́ Бог наш, рáзве Тебе́ ино́го не зна́ем, и́мя Твоё́ имену́ем. Приидите, вси вёрнии, поклонíмся свято́му Христóву Воскресению́: се́ бо при́де Крестом́ рáдость все́му мíру. Всегда́ благословя́ще Господа́, поём Воскресение́ Его́: распя́тие бо претерпéв, смёртию́ смерть разруши́. **Трижды.**

Воскрéс Иису́с от грóба, я́коже проречé, даде́ нам живóт вéчный и вéлию мýлость. **Трижды.**

Песнь 7

Ирмо́с: О́троки от пéщи избáвивый, быв Челове́к, стра́ждет я́ко смёртен, и Стра́стию смёртное в нетлéния облачи́т благоле́пие, еди́н благословéн отцéв Бог и препросла́влен.

Христóс воскрéсе из мёртвых.

Жены́ с мíры богомúдрыя в след Тебе́ течáху, Егóже я́ко мёртва со слезáми иска́ху, поклонíшася рáдующияся Живóму Бóгу и Пáсху та́йную Твоим, Христэ́, ученико́м благовести́ша.

Христóс воскрéсе из мёртвых.

Смёрти прázднуем умерщвлéние, áдово разрушéние, инóго житиá вéчнаго начáло, и игра́юще поём Винóвнаго, еди́наго благословéннаго отцéв Бóга и препрослáвленнаго.

Христós воскрéсе из мёртвых.

Яко во́истину свящénная и всепрázднственная сия́ спаси́тельная но́щь, и светозáрная, светонóснаго дне востáния сýщи провозвéстница: в нéйже безлётный Свет из грóба плóтски всем возсия́.

Слáва Отцý и Сы́ну и Свято́му Дúху.

Умертвív Сын Твой смерть, Всенепорóчная, днесь, всем смёртным пребывáющий живóт во вéки веко́в даровá, еди́н благословéнный отцéв Бог и препрослáвленный.

И нýне и прýсно и во вéки веко́в. **Ами́нь.**

Всем цáрствуяй создáнием, быв Человéк, вселýся во Твою́, Богоблагодáтная, утрóбу, и распýтие претерпéв и смерть, воскрéсе боголéпно, совозстáвив нас, я́ко всесýлен.

Катавáсия: О́троки от пéщи избáвивый, быв Человéк, стра́ждет я́ко смёртен, и Стра́стию смёртное в нетлéния облачит́ благолéпие, еди́н благословéн отцéв Бог и препрослáвлен.

Песнь 8

Ирмós: Сей наречéнный и святýй день, еди́н суббóт царь и госпóдь, прázдников прázдник и торжествó есть торжéств: вóньже благословím Христá во вéки.

Христós воскрéсе из мёртвых.

Приидíte, нóваго виногрáда рождéния, Божéственного весéлия, в нарóчитом дни Воскресéния, Цáрствия Христóва приобщímся, поýще Егó я́ко Бóга во вéки.

Христós воскрéсе из мёртвых.

Возведи́ óкрест óчи тво́й, Сиóне, и виждь: сé бо приидóша к тебé, я́ко богосвётлая светíла, от зáпада, и сéвера, и мóря, и востóка чáда тво́я, в тебé благословя́щая Христá во вéки.

Пресвятáя Трóице, Бóже наш, слáва Тебé.

Отче Вседержителю, и Сло́ве, и Дúше, тремí соединяемое во Ипостáсех Естествó, Пресýщественне и Пребожéственне, в Тя крестíхомся и Тя благословím во вся вéки.

Благословім Отца́ и Сы́на и Свята́го Ду́ха, Го́спода.

Прииде Тобо́ю в мир Госпо́дь, Де́во Богоро́дице, и чре́во а́дово расто́рг, сме́ртным нам воскресе́ние дарова́: те́мже благословім Его́ во ве́ки.

И ны́не и прісно и во ве́ки веко́в. **Ами́нь.**

Всю низложи́в сме́рти держа́ву Сын Твой, Де́во, Сво́им Воскресе́нием, я́ко Бог кре́пкий совознесé нас и обожі́; те́мже воспева́ем Его́ во ве́ки.

Катава́сия: Сей нарече́нный и святы́й день, еди́н суббо́т царь и госпо́дь, пра́здников пра́здник и торже́ство есть торже́ств: во́ньже благословім Христа́ во ве́ки.

Припев:

Вели́чит душа́ моя́ воскресе́шаго тридне́вно от гроба́, Христа́ Жизнода́вца.

Песнь 9

Ирмо́с: Светі́ся, светі́ся, но́вый Иерусали́ме: сла́ва бо Госпо́дня на тебе́ возсия́. Ликуй ны́не и весели́ся, Сио́не. Ты же, Чи́стая, красуйся, Богоро́дице, о воста́нии Рожде́ства Твоего́.

Припевы: Вели́чит душа́ моя́ во́лею страда́вша, и погребё́нна, и воскресе́шаго тридне́вно от гроба́.

Христос но́вая Па́сха, же́ртва жива́я, А́гнец Бо́жий, вземля́й грехи́ ми́ра.

А́нгел вопия́ше Благода́тней: Чи́стая Де́во, ра́дуйся! И па́ки реку́: ра́дуйся! Твой Сын воскре́се тридне́вен от гроба́, и ме́ртвыя воздви́гнувый: лю́дие, весели́тесь.

Возбуді́л еси́, усну́в, ме́ртвыя от ве́ка, ца́рски рыка́вый я́ко от Иу́ды лев.

О Божественнаго, о любезнаго, о сладчайшаго Твоего́ гла́са! С на́ми бо нелóжно обеща́лся еси́ бы́ти до сконча́ния ве́ка, Христé: Его́же, ве́рнии, утвержде́ние наде́жды иму́ще, раду́емся.

Припевы: Магдали́на Мари́я притече́ ко гробу́, и Христа́ ви́девши, я́ко вертогра́даря вопроша́ше.

А́нгел облистáяй жена́м вопия́ше: преста́ните от слез, я́ко Христос воскре́се.

Христос воскре́се, сме́рть попра́вый и ме́ртвыя воздви́гнувый: лю́дие, весели́тесь.

Днесь всяка тварь веселится и радуется, яко Христос воскрес и ад пленяся.

Днесь Владыка пленя а́да, воздвигнувый юзники, яже от века имяше люте одержимыя.

О Пасха велия и священнейшая, Христэ! О мудросте, и Слове Божий, и сіло! Подавай нам истее Тебе причащатися в невечернем дни Царствия Твоего.

Припев: Величит душа моя Триипостаснаго и Нераздельнаго Божества державу.

Согласно, Дево, Тебе блажим вернии: радуйся, двере Господня; радуйся, граде одушевленный; радуйся, Еяже ради нам ныне возсия свет из Тебе рожденного из мертвых Воскресения.

Припев: Радуйся, Дево, радуйся, радуйся, Благословенная, радуйся, Препрославленная: Твой бо Сын воскрес тридневен от гроба.

Веселися и радуйся, Божественная двере Света: зашедый бо Иисус во гроб возсия, просияв солнца светлее и верныя вся озарив, Богорадованная Владычице.

Припев: Величит душа моя воскресшаго тридневно от гроба, Христа Жизнодавца.

Катавасия: Светися, светися, новый Иерусалиме: слава бо Господня на тебе возсия. Ликуй ныне и веселися, Сионе. Ты же, Чистая, красуйся, Богородице, о востании Рождества Твоего.

Таже:

Христос воскрес из мертвых, / смертию смерть поправ / и сущим во гробех живот даровав. **Трижды.**

Господи, помилуй. **Трижды.**

Слава, и ныне:

Ексапостиларий:

Плотию уснув, яко мертв, Царю и Господи, тридневен воскресл еси, Адама воздвиг от тли, и упразднил смерть: Пасха нетления, мира спасение. **Трижды.**

ХВАЛІТНЫ

Глас 5:

Всякое дыхáние да хвáлит Гóспода. Хвалíte Гóспода с небéс, хвалíte Егó в вýшних. Тебé подобáет песнь Бóгу. Хвалíte Егó, вси Áнгели Егó, хвалíte Егó, вся Сíлы Егó. Тебé подобáет песнь Бóгу.

На 4: Хвалíte Егó на сíлах Егó, хвалíte Егó по мнóжеству вели́чества Егó.

Гóсподи, запечáтану грóбу от беззакóнников, прошéл есí из грóба, я́коже родíлся есí от Богорóдицы: не уразумéша, кáко воплотíлся есí, безплóтнии Твойá ангели: не чýствовалаша, когдá воскрéсл есí, стрегúщи Тя вóини. Обо́я бо запечатлéстася испытúющим, явíшася же чудесá клáняющимся вéрою та́инству: éже воспева́ющим, возда́ждь нам рáдость и вéлию мíлость.

Хвалíte Егó во глáсе тру́бнем, хвалíte Егó во псалтíри и гúслех.

Гóсподи, верей вéчныя сокрушív, и úзы растерзáв, от грóба воскрéсл есí, оста́вь Твойá погребáльная, во свидéтельство íстиннаго триднёвнаго Твоегó погребéния: и предвари́л есí в Галилéи, в пещéре стрегóмый. Вéлия Твойá мíлость, Непостижíме Спáсе, помíлуй и спасí нас.

Хвалíte Егó в тимпáне и лíце, хвалíte Егó во стру́нах и оргáне.

Гóсподи, жены́ текóша на гроб, вíдети Тя, Христá, нас рáди пострада́вшего, и пришéдша, обретóша áнгела на кáмени седя́ща, стра́хом отвáльшемся, и к ним возопí, глагóля: воскрéсе Госпóдь, рцýте ученикóм, я́ко воскрéсе от мёртвых, спаса́яй дúши нáша.

Хвалíte Егó в кимвáлех доброгласных, хвалíte Егó в кимвáлех восклицáния. Всякое дыхáние да хвáлит Гóспода.

Гóсподи, я́коже изшéл есí от запечáтаннаго грóба, тáко вшел есí и двéрем заключéным ко ученикóм Тво́им, показúя им телéсная страдáния, я́же подъя́л есí, Спáсе Долготерпелíвый: я́ко от сéмене Давíдова я́звы претерпéл есí, я́ко Сын же Бóжий, мíр свободíл есí. Вéлия Твойá мíлость, Непостижíме Спáсе, помíлуй и спасí нас.

Стихиры Пасхи, глас 5:

Стих: Да воскрéснет Бог, и расточáтся вразí Егó.

Пáсха свящéнная нам днесь показáся: Пáсха нóва святáя, Пáсха та́инственная, Пáсха всечестнáя, Пáсха, Христóс Избáвитель, Пáсха

непорóчная, Пáсха вели́кая, Пáсха вёрных, Пáсха, двéри ра́йския нам отверза́ющая, Пáсха, всех освяща́ющая вёрных.

Стих: Я́ко исче́зает дым, да исче́знут.

Приидите от видéния, жены́ благовéстницы, и Сиóну рцýте: приими́ от нас ра́дости благовéщения Воскресéния Христо́ва; красуйся, ликуй и ра́дуйся, Иерусали́ме, Царя́ Христа́ узрév, из грóба, я́ко Жени́ха, происхо́дяща.

Стих: Та́ко да погíбнут грéшницы от лица́ Бóжия, а пра́ведницы да возвеселя́тся.

Миронóсицы жены́, úтру глубоку́, предста́вша грóбу Живо́давца, обрето́ша А́нгела, на ка́мени седя́ща, и той, провеща́в им, си́це глаго́лаше: что и́щете Жива́го с ме́ртвыми? Что пла́чете Нетле́ннаго во тли? Ше́дше, проповéдите ученико́м Его́.

Стих: Сей день, егóже сотвори́ Господь, возра́дуемся и возвесели́мся вонь.

Пáсха красная, Пáсха, Господня́ Пáсха, Пáсха всечестна́я нам возсия́. Пáсха, ра́достью друг дру́га обы́мем. О Пáсха! Избавлéние ско́рби, и́бо из грóба днесь, я́ко от черто́га возсия́в, Христо́с жены́ ра́дости испо́лни, глаго́ля: проповéдите апо́столом.

Сла́ва, и ны́не:

Воскресéния день, и просвети́мся торже́ством, и друг дру́га обы́мем; рцем: бра́тие, и ненави́дящим нас прости́м вся Воскресéнием, и та́ко возопи́м: Христо́с воскресе́ из ме́ртвых, сме́ртию сме́рть попра́в и сущим во гробéх живо́т дарова́в.

Та́же:

Христо́с воскресе́ из ме́ртвых, сме́ртию сме́рть попра́в и сущим во гробéх живо́т дарова́в. Трижды.

Гóсподи, поми́луй. 40.

Сла́ва, и ны́не:

Гóсподи, поми́луй. 12.

Сла́ва, и ны́не:

Утверди́, Бóже, святу́ю правосла́вную ве́ру правосла́вных христиа́н во век ве́ка.

Христо́с воскресе́ из ме́ртвых, сме́ртию сме́рть попра́в и сущим во гробéх живо́т дарова́в. Трижды.

Отпуст

Христѣ, воскресый из мѣртвых, смѣртию смерть поправый и сущим во гробѣх живѡт даровавый, истинный Бѡже наш, молитвами Пречистыя Твоея Матере и всех святых, помилуй и спаси нас, яко Благ и Человеколюбец. Аминь.

Христос Воскресе! Воистину Воскресе!

Христѡс воскрѣсе из мѣртвых, смѣртию смерть поправ и сущим во гробѣх живѡт даровав. Трижды.

И нам дарова живѡт вѣчный, покланяемся Егѡ триднѣвному Воскресѣнию.

Велікаго господіна и отцá нашего Кирилла, / Святѣйшаго Патриárха Москѡвскаго и всея Русі, / и господіна нашего высокопреосвященнейшаго **імярек**, / митрополіта [**или́:** архиепіскопа; **или́:** преосвященнейшаго **імярек**, епіскопа] [**его́же есть ѡбласть**], / настоятеля, брáтию и прихѡжан святáго хра́ма нáшего, / домочáдцы нáша и вся правослáвныя христиáны, / Гѡсподи, сохрани́ их на мнѡгая лѣта.